



Trg pravde 10, 76100 Brčko distrikt Bosne i Hercegovine; web: jt-brckodistriktaibih.pravosudje.ba; tel: 049/217-227; faks: 049/219-088; e-pošta: jtb@jtb.ba
Трг правде 10, 76100 Брчко дистрикт Босне и Херцеговине; web: jt-brckodistriktaibih.pravosudje.ba; тел: 049/217-227; факс: 049/219-088; е-пошта: jtb@jtb.ba

Broj: T18 0 KT 0015882 22
Brčko, 26.04.2022. godine

Na osnovu člana 35. stav 2. tačka z) i člana 226. stav 1. Zakona o krivičnom postupku Brčko distrikta BiH, podižem

OPTUŽNICU

Protiv:

J.A. [...]

Što je:

Dana 30. decembra 2021. godine, oko 16:25 časova, u mjestu Brka, Brčko distrikt BiH, upravljajući putničkim motornim vozilom marke „Opel Zafira“, registarskih oznaka ..., krećući se lokalnim putem iz pravca naselja Brod ka naselju Brka, suprotno odredbi člana 174. stav 2. Zakona o osnovama bezbjednosti saobraćaja na putevima u BiH („Službeni glasnik BiH“, broj 6/06, 75/06, 44/07, 84/09, 48/10, 18/13 i 8/17, 9/18), s koncentracijom alkohola u krvi u iznosu 1,49 g/kg, što odgovara stadijumu srednjeg pijanstva u kojem postoji potpuna nesposobnost za upravljanje motornim vozilom u vidu zamagljene svijesti i reduciranosti intelektualnih funkcija, pa svjestan da u takvom stanju nije sposoban za bezbjednu vožnju i da može ugroziti javni saobraćaj na putevima i dovesti u opasnost život ljudi, na šta je pristao, krećući se pri tome suprotno odredbi člana 44. stav 1. Zakona o osnovama bezbjednosti saobraćaja na putevima u BiH, nedozvoljenom brzinom od 82 km/h na dijelu puta na kojem je brzina kretanja vozilom ograničena na 40 km/h i gdje je saobraćajnim znakom određena zabrana preticanja svih motornih vozila osim motocikala bez prikolice i mopeda, bez prethodnog uvjerenja da radnju preticanja vozila koja su kretala ispred njega može učiniti bez opasnosti za druge učesnike u saobraćaju, postupajući tako suprotno odredbi člana 36. stav 1. Zakona o osnovama bezbjednosti saobraćaja na putevima u BiH, otpočeo radnju preticanja kolone vozila, što je suprotno odredbi člana 61. stav 1. Zakona o osnovama bezbjednosti saobraćaja na putevima u BiH, pa je usljed takve vožnje čeonim dijelom svog vozila ostvario kontakt sa zadnjim dijelom putničkog motornog vozila marke „Fiat Punto“, registarskih oznaka ..., kojim je upravljala A. S, a koja je prethodno uključujući lijevi pokazivač smjera započela radnju skretanja ulijevo s desne strane kolovozne trake u pravcu zaseoka „Musići“, a da se pri tome prethodno nije uvjerila da radnju skretanja može izvršiti bez ugrožavanja vozača putničkog motornog vozila „Opel Zafira“, kojom prilikom je A. S. zadobila tešku tjelesnu povredu u vidu preloma kosti gornje čeljusti,

dakle, kao učesnik u saobraćaju na putevima, ne pridržavajući se saobraćajnih propisa ugrozio javni saobraćaj i doveo u opasnost živote ljudi, zbog čega je kod drugog nastupila teška tjelesna povreda,

čime je počinio krivično djelo Ugrožavanje javnog saobraćaja iz člana 326. stav (1) Krivičnog zakona Brčko distrikta BiH.

Preduzimanje radnji krivičnog gonjenja prema određenom licu ne znači da je to lice zaista i odgovorno za počinjenje krivičnog djela. Prema principu presumpcije nevinosti, svako se smatra nevinim za krivično djelo dok se pravosnažnom presudom ne utvrdi njegova krivica
